

স্বাস্থ্য

দেশে হামের উপসর্গে আরও চার শিশুর মৃত্যু

প্রতিবেদক: ঢাকা প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



দেশে হামের উপসর্গে আক্রান্ত হয়ে গত ২৪ ঘণ্টায় আরও চার শিশুর মৃত্যু হয়েছে। তবে মৃত শিশুদের কারোরই ল্যাব পরীক্ষায় আনুষ্ঠানিকভাবে হাম শনাক্ত হয়নি।

শুক্রবার (১৪ আগস্ট) স্বাস্থ্য অধিদপ্তর থেকে প্রকাশিত বিশেষ বুলেটিন ও প্রতিবেদনে এ তথ্য জানানো হয়।

স্বাস্থ্য অধিদপ্তরের তথ্য অনুযায়ী, শুক্রবার সকাল ৮টা পর্যন্ত আগের ২৪ ঘণ্টায় নতুন করে ৯৭২ জন শিশুর শরীরে হামের বিভিন্ন উপসর্গ দেখা গেছে।

প্রতিবেদনে উল্লেখ করা হয়, চলতি বছরের গত ১৫ মার্চ থেকে এ পর্যন্ত দেশে হামের উপসর্গ নিয়ে প্রাণ হারিয়েছে ৭৯৫ শিশু। আর একই সময়ে স্বাস্থ্য পরীক্ষার মাধ্যমে হাম নিশ্চিত হওয়ার পর মারা গেছে আরও ৯৯ শিশু। সব মিলিয়ে গত পাঁচ মাসে হাম ও হামের উপসর্গে দেশে মোট ৮৯৪ জন শিশুর মৃত্যু হলো।

পরিসংখ্যান অনুযায়ী, ১৫ মার্চ থেকে ১৪ আগস্ট পর্যন্ত সারা দেশে মোট ১ লাখ ৪১ হাজার ৪৮ জন শিশুর শরীরে হামের উপসর্গ দেখা

দিয়েছে। এই সময়ের মধ্যে অসুস্থ হয়ে হাসপাতালে ভর্তি হতে হয়েছে ১ লাখ ২২ হাজার ৭৯৪টি শিশুকে। তবে চিকিৎসা শেষে ইতিমধ্যে ১ লাখ ১৮ হাজার ৫৪০ জন শিশু সুস্থ হয়ে বাড়ি ফিরেছে।

এ ছাড়া, ১৫ মার্চ থেকে এখন পর্যন্ত ল্যাবরেটরি টেস্টে দেশের মোট ১৭ হাজার ৭৩০ জন শিশুর শরীরে আনুষ্ঠানিকভাবে হাম শনাক্ত করা সম্ভব হয়েছে বলে জানিয়েছে স্বাস্থ্য অধিদপ্তর। সংক্রামক এই ব্যাধির বিস্তার রোধে দেশের সংবেদনশীল এলাকাগুলোতে টিকাদান জোরদারসহ স্বাস্থ্য বিভাগের তদারকি অব্যাহত রয়েছে।

এ বিভাগের আরও খবর



দেশের সবার জন্য স্বাস্থ্যসেবা নিশ্চিত করা হবে: ডা. জুবাইদা রহমান
দেশের প্রতিটি নাগরিকের জন্য সহজলভ্য ও মানসম্মত স্বাস্থ্যসেবা নিশ্চিত করার ওপর গুরুত্বারোপ করেছেন প্রধানমন্ত্রী তারেক রহমানের সহধর্মিণী ও জিয়ার...



২৪ ঘণ্টায় হামের উপসর্গে আরও ৭ জনের মৃত্যু
দেশজুড়ে হামের উপসর্গ নিয়ে গত ২৪ ঘণ্টায় আরও সাতজনের মৃত্যু হয়েছে। এ নিয়ে চলতি বছরের ১৫ মার্চ থেকে এখন পর্যন্ত হাম ও এর উপসর্গে মোট মৃত্যুর সং...



ডেপুতে ২৪ ঘণ্টায় ২ মৃত্যু, হাসপাতালে ১০৫৬
গত ২৪ ঘণ্টায় ডেপু আক্রান্ত হয়ে দুইজনের মৃত্যু হয়েছে। একই সময়ে ডেপু আক্রান্ত হয়ে দেশের বিভিন্ন হাসপাতালে ১০৫৬ জন ভর্তি হয়েছে। শনিবার (১২ স...



স্বাস্থ্যখাতে কোনো অনিয়ম ও অবহেলা মেনে নেওয়া হবে না: স্বাস্থ্যমন্ত্রী
রাজধানীর মুগনা জেনারেল হাসপাতাল পরিদর্শন করেছেন স্বাস্থ্যমন্ত্রী সরদার মোহাম্মদ সাখাওয়াত হোসেন। এ সময় হাসপাতালের
অনিয়ম দেখে তিনি বলেছেন, কোন...

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/health/deshe-hamer-upsrge-aro-char-shishur-mritju>